

周益公文集二百卷

宋周必大撰

年譜一卷附錄五卷

明祁氏淡生堂抄本 [瞿鏞校並跋]

一百冊



共撮 7 捲。 撮制目錄見 3584 ①

接前片卷

書 號 3584

本片卷含

書彙卷 12-15、年譜附錄



周益文忠公集一百九十七

書稟卷第十二

劄子九

張子儀頌總

初淳熙十一年

某竊以歲宴凝寒共惟提舉寺丞澄按餘問台候萬
福手書為况甚尉馳企一道歲事絕長補短當得中
熟錄示榜文及水利冊深歎盡心屬吏奉行固宜惟
謹趙陳譚三省旦夕將上必誠磨勘循資也潞公帖
傳之樂石其可不朽當時納貞本決不至遺墜細觀
文意正尔相屬登高能賦可為大夫自不須更用扇
對况下兩字亦與登高不類似無足疑蜀中有公文

集偶隨行無本試閱之如何未由會晤切幾順節保
育以需嚴召

又淳熙十三年

某竊以歲事更新共惟某官澄按餘問台候萬福褰
惟遽部昨特寬上顧憂而一道利害以次興除足
行所學長牋別紙逡紆盛禮感刻無已擲挂易勤難
安最宜為曲突徒薪計大要財賦白撰必擾民產亂
中間嘗因李壽翁獻言欲與打筭補其闕偶丙國端
權夕即妄有沮駁至今以為恨然錢米數極不多使
司亦通馱前政所見不同不肯為耳垂惠無窮不在
節下乎某連日腰痛轉動不能勉強作此殊愧草率
餘惟頌令珍厚眷倚方深行慶還召

又紹熙四年

某竊以首夏清和共惟總領少卿寵渥維新台候神
相萬福某比復狀納令弟網帖方行數日而邸報主
竊審復正卿班仍董軍餉盡還舊物可卜隆眷自茲
特橐無可疑者某雖以天假依筮之宰緣目疾心疾
交作已力控祠請旦夕必遂亦未知入境之人日所
以未果專致賀緘適李壽翁之子正夫部米運行必
獲迎拜畧叙拳拳餘冀相時珍毓對揚天寵

某少事向家諭及此間財賦素號從容某既來知其入頗不正上下相籠幸免人言自惟衰懦素以奉法循理為心不敢稍越常規又連年云云去年常欲懇元善少卿輟留一網少補不足未蒙周旋不敢固請今就託李丞面稟曲折謂如郴州戍兵舊調鄂軍五百總數歲費數萬緡而軍士寒暑往來損折甚多某向在密院適林黃中守長沙掌諭令改用此間諸軍自此使所省此一項支費而本州借請折洗却費萬餘緡何所從出漕司城折粳錢二萬緡罷橋口酒利數千緡遂以坐困凡某百方苦節而畧不賭從容之效者以所裁多而所支夥也今方四月已闕軍糧未免借兌豈為久計未審可因元善告新之際許從前請否某業為婦計渠成未知為何人之利然一方所擊不應專為身謀也幸值故人敢以情告餘續具記

又紹興四年

某竊以氣應黃鍾日舒化國共惟某宮道隨剛長祿與人宜台候動止萬福真才懿行詳試茲久入持禁橐不在此時乎某幸依大筮無從面賀衰病癯學又不能敬占公啟謹以手劄致拳拳尚幸台察寒威方勁倍斬室御至酥對楊天寵

某比具記想達台聽年至病侵枝窮秩滿負四宜去
備嘗澁懇於兩間社然後入奏者丐歸謂可必遂今
詔函復下違退維谷最是短於理財前到此只作一
年計不忍承例歲貪二十萬緡所入招徠偽契興訟
以因良善一切罷去俟後人自為之豈料因循許時
猶未得代遂成商君之法來年常賦外當辦大禮十
萬緡來手無措儻用是罪去亦幸矣未運科撥告早
行下若比常年近郡多遠郡出則所省水脚錢一毫
以上皆是拜賜之數敢不知歸前年初到時畧辦飛
虎軍供給錢一項日四百緡荷唐元善摧免二年來
正當滿繼此尚雖致懇少度其期聊預言之猥局浙
汗某慄息拜問台閔室眷欽想均受新社節中例不
敢講禮况酒如郡視政昔尤酸薄難容自納敗闕輒
有閩中鐵絲果架一事連山金掛三百顆廬陵金橘
千枚臨江披綿鮓五百顧恐可助子孫上壽之一二
恃久要遂忘觸突臨筆顏赧或有委儒願聞之令第
主簿可時可至也招軍一節本州當三百人元限二
年而小民貧困應墓踵至旦夕且發一百餘人過此
權住收以待來年雖云破經總制前然在此日給及
發遣川陸盤纏亦攘千緡茲又橫費之一端日近復

添差棟汰及歸正任滿充晉頭者增數十人何以支吾窮人命分惡祇自笑耳

又 紹熙四年

某竊以歲晏凝寒共惟某官有政足財神所相勞台候動止萬福閱闕在諸卿之右論思乃學術所長持此久外得乎更冀頃時致養倚對驛召某長至禮合致賀弟老病不文又不敢倩人為之故輒以手書伸頌詠乃蒙雙緘盛禮無乃以是愧其簡乎不然何執謙之過也後時不果眡儀以報惟深珮刻而已

其人面游動台翰損答益深感悚米運令弟既不欲屑就專俟改差之人襄陽網自當先發也此間財賦月有收支定數中間緣違法放倍稅不問年歲久近有無爭競來則與印其訴訟至今未已也歲收一二十萬緡用資支費者在此或不知本禾遂謂富實而漕或無權則好事者又縱史之將常賦削除以萬計某既一遵律令且尼爭端遂成漏底所幸歲事稍稔節用省費乃能支吾二年前常具布於李正夫縣丞所携之書尚義記憶否諸邑緣向未監司因他郡祈禱例令住催一目之類總過時則民戶不能併輸遂頗拖欠却非滲漏曲荷重軫乃敢及此皇恐皇恐飛虎

屬益文公集書卷第十 九十一號
四百千文字納呈僭易皇恐

丘宗卿侍郎

崇山 淳熙十一年

竊以雪後晴寒共惟知府檢詳雙旌載路台候神相
萬福比復狀為慶何未閱覽茲蒙嗣問從審已拜麾
符奉親西渡觀闕既存朝蹟加禾又為舊治次舍所
歷象樂已多况吳門崇陰未遠開藩之後想見士民
鼓舞不勞而治矣海寇已趣斷必無輕恕渠魁就捕
非威令素孚賞罰公的豈能臻此不勝歎服忽忽布
復莫盡悃幅愿言加獲罪首即遂來歸固不敢以隔
閔暫阻一見為恨也

又 淳熙十一年

某竊以暑雨煩濁共惟知府微猷檢詳政成暇豫台
候動止萬福某汨渡日音問稍疎每聆治声亦足為
慰久雨下田無傷否聞雪川已被害也趙丞才具如
此在今豈傷易得節推負關上台已用彥衡矣浙東
賊贓要促提刑司而未報近不免督責郵吏方云事
屬浙西亦已嚴切行下更囑劉憲速具數來當取旨
支撥二千緡甚不多夫多是斬或浙東自有之望徑
語趙老庸中未也見施丈又說寨兵事尚未見公文
恐事在三省耳許補利害極多緩急莫須明用四明

故事否幸密重報餘奠石時珍練以對嚴召

又淳熙三年

某竊以上冬晴寒共惟某官宣威有俶德業多取台
候動止萬福某前月已丐祠旦夕得報即還廬陵屏
迹山焚以俟其老惟傾耳君侯為

聖時立大功副此愿望至於後會邈然則拳拳依向
又非翰墨所能寄也天氣日益凝凜倍慚遵令衛主
荷國殊寵

甚某北使者歸常游布尺紙想追路呈徹不審幾日
開府少成聞就夔門與趙衛公相會四川利害講之
固熟臨之以名儒碩望百城自應心悅而誠服民其
有瘳矣某欲去不能辨專介偶同僚蘇倅遣人還鄉
莫的於此輒布一二伏幸台察

趙從善泉使

帥四弄 淳熙十一年

某竊以天氣凝寒共惟知府即中閣藩有俶台候萬
福廬陵大邦豈不足以為政六守狼狽多其自取今
得良二千石一洗宿弊廓施惠術吏民自應信服數
月之後可以疑香宴寢矣惟歲歉諒勞區處諸司必
相假借因書亦當及之酒稅乃州郡利原人但知取
之為取而不知予之為取官醞若味佳私古雖不禁

亦絕二者高明當得其要願翁超聞丘是行克人訛
劉成以自解今既不貸亦足懲後矣冀餘若時珍練
倚俟囊空某竊承連詔收民涓辰洗印諒深慙繫
官于朝既未獲修維梓之敬欲附尺紙為賀又因循
未果竟煩翰墨先之感懼何可言也長牋藻麗三復
欵欵冗迫無由視儀以報又深愧悚謝章已令報行
矣州宅置鑪大可駭何至是耶幕官事只依旨揮結
絕甚善追逮之擾不止一家早後豈甚如此被實惠
者多矣計若人之罪則何足恤也路鈐虛位正欲使
諸卒知有郡將近求者紛然亦有大閔節一切拒止
黃林須得一文字乃可施行向者固嘗面言下政何
順聞在廣西併望物色垂報吳政却似慮恪若軍中
人則又崢嶸矣家兄既村居恐因遣介來望諭令取
家問幸甚

又 淳熙十三年

某前日方以書付胡堅茲緣病倦未暇再遣記但切
愧企冬春之交雨雪過多未知夏秋復如何誠豁旱
傷多拋經總制錢帑內常平其理灼然固嘗為貳卿
言之但此間事体執事熟知之若非視人如我躬親
為郡因計美則不過便文自營而已此文移所以山

積也他續馳布

又 淳熙十四年

某疊勤誨翰知便車按部六月未方回是稽具報必辱情察天堂山鉄様及相度措置鉛山場等並已進呈正恐招兵費大江東諸郡歲供難維遂尔遲遲如增盆槽添作屋使司自可施行莫不須待報否毒暑異常還臺當少休旦夕別拜狀

王叔清舍人

卿月 淳熙十二年

某竊以天氣清肅共惟知府安抚秘閣舍人填臨有

谷台候萬福乃者霽以福紙附漕司人回必遂閱覽

請祠文字不會上盖宸眷加隆宜圖羊祜杜預之勲豈必揖袂浮丘也夏國部落之說果可信否時台課報葛王諸子勸請還燕谷或有之所奏三事屢於榻前商議萬兵自鄂移荆孰若徑趨襄之為使昨郭帥有書欲與副帥協力比遇武昌必得要領兩軍緩急想應乃是朝廷命令非副帥召正帥也往者王宣趙樽勢均力敵首鼠觀望所以合而為一復離之可乎今在以出與郭帥別帑錄呈荆南城已降旨揮將三之一損壞者先修矣餘在閩副帥書中未由會晤切幾上体間寄加厚保調以需召節

馮總頌

憲 淳熙十一年

某辱六月晦及七月中三書不勝感尉秋令共惟台
候萬福虛恨曲折並已劄下或欲因叩市馬執而殺
之豈有是理惟中策當議必已見之少卿蜀人其念
鄉國之計甚熟且遠每事必欲協議蓋有深意興元
早灾句憲來求度牒恐其後時有旨代米難濟也遙
往復經時民為邦本其利害又非單旅比也詢陽求
者甚衆 上特畀田候更望勉以報國京西監事殆
失於輕信今當有助之酒課言戶部獻疑尚未降指
揮照亦何疑也雅州委制司兩易庶於郭守無傷耳
餘冀若時珍練以需君召節

某拜門慶門眷聚緬惟均受多祉劉韶美之子澄為
吏掾望與延耆想以鄉曲之故不待禱因來通書帳
然念髯老之風度輒及之皇恐皇恐某再拜

又 淳熙十三年

某竊以歲晏凝寒共惟天助得明百頃來備名儒壞
望宜在王前升正九卿蓋以重任難其代耳綸綽既
頒知眷注之稱厚遠勤緘啟感到難名未晤語間敢
蘄觀頤致養倚俟召節

甚比於雍君慶領珍翰不勝佩荷雍之學識士大夫

中絕不易得可敬可愛三衢取馬坐券乃是久例豈復增損惟江上諸軍曾支破致今乞丐於市樞傷士心所以兩次取會錢數然後下使所科撥不若徑不足自可申省就樁管鈞豁付漕司及兩邦民而前後爭執紛然殆類秦越之肥瘠今秦嵩申上津仍歲水兩旱戍夫之糧失所欲併差官軍有限豈能分布已稟 旨不改其舊而目給戍夫錢米一年紀總三百餘人所費無多切望留念即為施行大卿蜀人而又憂慮深遠固無待諄諄之言也

彭州張倅

英仲 淳熙十一年

某竊以天氣凝寒共惟通判朝請佐理餘間尊候萬福三宰百里今貳名邦典郡宜矣嘗為三省諸公言之計來夏美解當有所處忽忽姑此布復餘幾頃令珍厚以對宸渥

蛮人本不能生事往往縣綏御失平姦浪又從而導之遂至若過消患未萌全在守令得人耳有可見教繼此愿聞至叩至叩

嘉州樊倅

英仲 淳熙十一年

某竊以天氣凝寒緬惟通判朝請佐郡政咸遵候萬福名儒之子累為諸司所薦今勾龍提刑又誦淹滯

可見才譔下諭三郡即詳稟承相已計授代之期續
追擬矣先德種學績文為西南儒宗頃見玉山汪尚
書稱道不容口今讀譜法韓文曰十五卷博洽精詳
有前輩未嘗到者此書定傳後世非獨為篋笥之珍
而已欣感欣感薄遽占謝有懷莫盡願言頃時加愛
即俟寵命

陳邑州

士英 淳熙十一年

某竊以天氣暄和共惟知府安撫朝議年兄填臨有
裕台候動止萬福辱去冬所惠教不敢尉感便民五
事皆深切著明洞丁綠宜州小擾未欲輕舉若州府
徐徐自行之他處次可自次第料理惟監貨一節利
害甚重昨降旨下帥司必已熟議地遠又隣諸蠻與
地均不同凡百更望加意上司或未諒不妨力言彼
此皆賢者初無固必也餘冀若時加愛以需節召

趙明州

帥夔 淳熙十一年

某竊以歲事更新共惟知府制置殿撰鎮臨有裕台
候動止萬福控制海道事權甚重比得來文欲降錢
修舫見此奏稟亦聞革弊甚多如軍中人每要立坊
前此例借作白直甚無謂也其他俟續布聞餘冀以
時珍愛即膺召用

某載惟春王三朝於卦為泰若時良特牧惠利及民者博則於介祉亦倍衆人乘茲令序入踐禁塗無可疑者過勤緘啟良珮至意茲酬來况併致忱禱切幸加亮

又

某比復狀為開藩慶想已呈徹游勤惠問喜審治效日彰台候萬福許浦舡屢與殿司說若果欲移則當撥歸制置司今得來示若何符契也治境控扼海道平時須過為之備近者有旨拘收借事兵卒必已施行主將能否亦望詳論大抵早正素治臨事乃不倉皇高明當有以處之矣餘冀順時珍愛即膺次對之寵

王茶馬

淳熙十二年

某竊以歲事更新共惟都大茶馬頭謨使是成功台候動止萬福辱十月所惠教不勝尉感馬政修明边防寧謐宣勞多矣中間傳聞夷人為結連之計今必無他秦黎州既熟一方利害似難移易却聞其懼無以善後切切欲歸果否嘉州奏為備甚至表奏當不敢萌樊贖之心凡百更望與制司銷患未形想毋待諄諄也後來所示數事悉以行下恐有知者併幸中

告地遠惟恐不中事機耳餘冀保蓄以俟嚴召

王憲

正己 淳熙十二年

某竊以歲事更新共惟提刑右司平反底績台候動止萬福特辱誨翰不勝慰感牛口灘薄驚舟御乃贛石常事不必介懷廬委路鈐曲折極荷垂教見令戚俟就帥司兼領正合來諭自此且未除人也向幸甚荷周旋近漕司奏乞撥油麻錢五方補助贛州三方商議此乃志道刮刷州縣以自肥而不思白撰財賦科罰百姓貽患無窮其所能得幾何耶寧有盜臣誠可歎也忽忽具復來究所懷愿加保頤以俟嚴召

豐叔賈

諷 淳熙十二年

某竊以春曉氣暄共惟知府判院政成民悅台候萬福特在榮問深珮眷子勸諫農桑千里皆務本之人甚休甚休二月未孀雪不至深害否網欠宿逋當為丞相言之版曹農寺自來鮮肯出豁分明只欲符移紛然積壓登帶其實所入則有限耳忽忽布復未究所懷願言若時珍愛以俟召節

又 紹熙三年

某契勘湘潭最為大邑鄉分闊遠財賦居本州十之三自來只注選人資望已輕又緣范承直丁憂之後

本州權差嚴縣承攝事其人雖廉謹有餘然畏事太過詞訟不敢手決常賦亦多積壓今來郭承直到官才力既短適苦足疾聞訟牒日至使司自此相益蓄縮日就癯弛本州便欲按治則初來未有顯過欲別委官對易又恐邑民知是州郡之意望風輕侮况目前別無可委之人欲望使司選委清強官一員與之兩意易廢幾百里得受大賜郡中亦可省力須至具稟者

劉公實提刑

穎 淳熙十二年

某特辱書翰喜承近別台候萬福按行不無少勞顧逕文字極為詳備旦夕納公文去殿司元約蓋寨屋五百間今既移青龍三百餘間所增亦不多惟民田須依時價酬之此非軍中所能區處上令漕司周平江應副望道此意於使軍也軍人被殺可駭問殿司已重賞緝捕未知可得否暑甚占吏草草續別馳布敢幸台察

鄭少嘉尚書

淳熙十二年

某竊以炎暑可畏共惟某官治化已成台候動止萬福海舟既未敢遽集勢須先以告成恐誤其出入蓋敵情難測謀報造舟東海在我安得不為之備取臨

安五月八日五更地震近得江西閩中報同日如此
浙東如何不勝憂懼之至鄒但者家間素服其藥近
赴使司駐泊若無所用不審可差出令一來否僭易
知罪餘乞保輔冲襟以需登拜

閻才元侍郎

淳熙十二年

某頃嘗奉記惟緘啟盛禮坐待來价需報遂成稽晏
非敢怠也茲辱五月誨翰喜尉亡喻教閱義士誠不
可緩王去惠久移益部得 旨頌侍郎別擇人來上
貸緡五万亦已曲從惟茶馬總領打筭事非密院所
能辦而夏官主興元置監休息宥昌綱馬甚力正賴
區處修闕費總千餘緡姑置之蓋取其大則小可畧
也邊報難信虜儲則果天未知誰立擾擾万緒其自
茲始乎增秩辭免中批不允諒即祇拜偶都統司急
足回撥冗具此未暇他及續別修染

又

淳熙十二年

某洵勤書誨亦嘗遣問然豈若款奉笑言之為樂也
邊情飭修圖籍精詳粲然形諸奏劄謹為消吉進呈
大契 上意西清次對從天而下某與副樞竦听欣
然豈南門旣闢氣象益新遂底文明之效歟多賀多
賀田世雄自漕司案其暴客刻之後朝綸紛然適李

正之封送金州權即所具斷過人數止是兩名職重者配本城餘皆販私茶人刺為廂禁土兵平利令王仲圭區以混軍為徒流安得不駭聞聽徧示朝士衆謹稍息改守沉黎 上以為然蓋三省共議非某能致力也然望執事亟作書勸其凡事謹畏以避謗嫉大抵守邊以廉靜為本而以措置備禦為急未則應之夫復何慮使政績勝前不負薦口豈為渠之幸亦國家之利也速日報下草此為慶續別拜狀

劉印

立義 淳熙十二年

某將勤惠翰喜審台候万福幾西重任兼總司非時通才豈副遴選瑞麥少蘇旱累年之旱隨州亦有繪圖多賀多賀即生反覆如此幸前後所降旨揮斟酌照應至不肯戾止緣朝士每得偏詞輒議論不一如楊嗣勲極通練其施設必繼高躅糴糧固嘗博詢衆議監法在三省不得而與也邊報皆妄去秋王清叔已報西夏大石擾擾且云唐登戎兵皆西北去其詭譎類此可恠可恠郢倅胡大中廉動解事恐遠方難得屬吏委使故一再言之餘冀若時保愛以需召節

楚州錢大受

之望 淳熙十二年

某特蒙諭羊浚再任已得旨依劉超云楚州方城器

具百無一有莫須早到擘畫否朱振又確誰萬當其任也 上於財賦甚留意聞前政所積已支盡當思善後之策揚帥每以招納北人為言所選使效宜詳細他續馳希

又 淳熙十二年

某疊辱誨翰喜承牧御宣勞台候萬福招填忠義人年齒皆壯若訓齊有方他日必得其力民兵萬弩手諸郡申請不一全在區處如何耳修換獎船想極如法海湖鷓舡不妨密切措置緩急旋集欲立當格須別作文字專一論此前以打造費力遂併寢耳防城

具候候奏下即為取 旨帥漕比稍通情否有我獲局賢遇通惠惟以國家為念則不然間探一事最為要切前後多不得實均望留意兵法尚訢詐北虜尤甚雖死亡未嘗諱專欲其所圖輕信定墮其計劃神保之子已回否其人恐能言大槩也陳汝礪說雖是更須物色其實仔細垂諭海道風色難必倉卒能遷主否張佐戀舊居未肯赴避喻口等處皆要地而部吏出城者以力而似求非所宜慮加審擇

又 淳熙十三年

某竊以清和紀序共惟填府邊城台候萬福百廢具

舉甚副隆委虜中調兵造舟又修汴宮姑以防戰抑
別有說耶樓櫓等反費大夥如何應副新帥如到更
須熟議務今可行乃善羊支諒想已歸凡百所問毋
惜垂誨餘冀名若時加愛以對未渥

張彥文尚書

淳熙十三年

某竊以秋暑可畏共惟某官政成民悅台候動止萬
福某戶祿無補憂懼萬端坤載不寧連亘數路聞閩
中尤甚上因趙子直奏䟽遂以親札戒帥憲謹察
盜賊消患未萌富沙風俗素曠豈第中和當有以化
之矣未由晤語切幾遵令衛生以需大用特某枉誨
翰諭及添差官謹悉如歸正一頃堂除素無藝極兩
年來并已限負只是諸軍將佐隨其立功次數例帶
外路差遣止得一任向來逐年發遣故無擁併四五
年間偶緣水滂番在軍中不覓數多然未嘗不分在
諸郡自夏中得來文即令住撥其後兩員乃先差而
續到非敢爽約詳悉已令劄下敢幸台照

高汝一

夔 淳熙十二年

某比拜狀想無浮湛茲辱誨劄不勝感尉三事卷已
下並得處分積糧若止望坐倉恐未易辨其他如度
牒召入中之類亦可行否更度彼間要切者具奏為

佳神勁軍千人幸加訓練保捷亦宜措置但無器甲則亦徒然効用恐總所難應副兼諸軍請受薄而彼獨厚恐併神勁牽動尔比盛傳大石林牙擾擾而黃河南北繕甲積糧泰然無虞深謀熟計畧可遙度襄陽為國門戶尤宜過為隄備望與都副帥熟籌之

又 淳熙十二年

某北方拜狀茲未暇嗣問神勁將官奏已為進呈只從使司便可也所陳保捷及忠義人誠為可用上以皇甫斌是凋之子彼間一帶人情極熟緩急亦可作一頭項故以使府鈐轄令提舉蓋行少卿之言也乃公得祠未必不同行宿將頗有人望但任性少委曲語言多犯人其實無他吾曹方以國事為念自可容忍因會閻師千萬及此意幸甚

又 淳熙十二年

某竊以秋暑已闌共惟某官為國長城台候萬福辱書翰不勝尉感樊城南関萬山誠為要切今冬郭帥巡邊必可熟議兵力雖分顧臨時應變何如耳儲粟尤不可緩効用幾米恐總領所力有不及耳民兵器甲旣閻帥肯抵換支撥善不可加已得 旨依以備緩急若為悠久計則須諸司通融乃可所為紙甲殊

省費又不知能當箭鏃否宥昌馬續馳報餘冀若時
保蓄以俟嚴召

又 淳熙十三年

某騁歲大病今雖勉強朝參猶未全安所以不及親
具記皇甫鈐譚因會煩再三致區區邊頭諸事草創
分戢云初凡百且徐圖之忠義人更委曲與郭閻二
帥商量既彼此為國何患議論之不同也大抵無事
為有事之備者最難蓋因循則誤指準亟更易又張
皇以此全在深思熟講耳噐甲俟再報即取 旨閻
帥欲成彥節為正將主上已從劾乞矣

利路李憲

大正

淳熙十二年

某竊以霜冬晴凜共惟提刑判院按部雍容台候萬
福數勤書翰不勝尉感遠方法禁素馳得賢使者一
洗舊弊列成受賜為多非特席逸也忠勇軍比平民
須稍寬假他日乃可責其用命今委田世雄佐帥府
稍加料理未審當否田在金州或謂猛於治盜而賑
濟有功如此則與漕司所按不用姑酌其中付以戎
事更望因會勉以凡百謙追志其遠者大者甚幸龐
守所論西和草料錢極有理若監司總領視州縣為
一家民力自然稍寬不然上下督迫其害不在今日

也王樸所陳甚詳然未敢徑行掌委所屬相度正恐悠悠耳凡使司所當為如酒場之類自宜力與改革以副臨遣之意如博易抽差等不妨具奏

上於遠方利害惟恐不聞縱有不愧豈能勝公論耶奴兒結事備知本末大石林牙無能為也禁銅錢三省屢畫旨其施行頗峻自此必須少戢軍器物料旦夕當行下修闕立砲所宜詳審蓋彼常疑我掩其不備若一切不問緩急又將夫備計常與才元侍郎及軍帥議之軍粮折估見作置措其他凡可聖教毋惜諄諄並不敢泄也餘冀保愛以需召節

又 淳熙十二年

某相望悠緬每患音驛之難繼但極馳企辟一二屬官并兩平倅皆也已施行換錢引恨衆論不一更與制司熟議為佳西府曲折前已遮護毋慮毋慮叙州乃訢公姻家制帥所以瓦存之馮卿人多稱譽若私其鄉黨至誤公家事此今日大害雖賢者不能克可歎可歎

邵鈐轄

之綱 淳熙十二年

某承惠書喜承居住福勝兵事既易帥固知未易料理然忽而不問又非悠父之計已對下帥司同本軍

從長理會新守幾時到更且協力措置為佳易地似
太蚤計勉圖事功以俟獎擢此外萬萬保愛

鎮江翟都統

安道 淳熙十二年

某連辱書翰不勝感尉山陽重地劉超名將都統又
再三丁寧必能盡力軍務最是間探欲明苟有所聞
切幸重諭令似升差綠奏狀未嘗降下不敢先言又
近日臺章方論將佐事勢須少待催統領深知其熟
於淮上形勢偶詔三衙薦變路鈐轄而去帥謂堪此
任故煩一行張世英是武舉出身 上欲激勸來者
始再令從軍前已用都統奏而罷之今豈有用之之
理不必過慮也

雷馬帥

世賢 淳熙十二年

某辱書翰至感告統制事緣北方正尔疑似不欲遽
有更改今議論先定俟彼動作為之未晚也六合牧
放亦未須行盖因理會券食錢議者逐謂增添財賦
煩先會計所遺新馬實錢匹隨行實用幾人有無家
累數目間共合添錢米若干連為重報即當奏稟行
下既止一兩呈自不難辨函此奉報切幸知察

金陵閻副都統

仲 淳熙十二年

某近為違已深須向兩辱書翰喜承棘門整暇台候

萬福宸翰寵頒益彰卷已諒深懽慶若使刻石則須當進十數本恐上欲分賜諸帥耳王統制用十年之勞轉官雖常有例久不曾行今茲乃聖主特恩知將厚矣因來諭輒及之餘冀以時珍愛佇俟功名之會

金陵郭統都

鈞 淳熙十二年

某近疎奉記不勝傾企虜儲夭折不知誰代其位聞葛王尚留京停九月還燕未審果否昨總所被旨刷具軍中營運等事馬司者到已多日獨使司文字未至專待此同進呈不可緩也執事忠誠許國公

正裨身雖古名将何以加諸上所以眷倚士大夫所以歸重實在於此然人心不同知其面焉豈能一一皆能如意副貳所陳縱未盡善有可行者毋惜俯從偏裨中亦且細大并包去其太甚蓋是是非非本為正理然習俗已久聞聽易駭革之以漸容之以量固所優為苟有所聞既荷心照不敢不敢告耳過目即焚之可也

又

某疊辱書翰喜承台候萬福向者巡邊所陳要切非如他人為悠悠之談此固上所深之而公論因以

歸重不勝歎服大石林牙恐是虜中别有深固揚此
聲使我不疑茲可備而不可喜也結約事前監甚多
豈容輕易更須多遣間探時時諭已及幸甚李浩等
想已遣來副帥和易凡百必與之商量名將自古惟
以果毅忠實為先後世乃多脂膏杼虛今左右卓然
自立心手報國雖未能諧俗天豈不可恃乎

江州劉都統

光祖 淳熙十二年

某竊以天氣清和共惟都統刺史台候万福寵升階
秩遙頌郡符異渥香來可卜宸眷疊勤書翰不勝悚
汪賓緣近例不差額邗上以都統為之甚力已刷
得中軍副將一闕處之張得明亦如來申惟張克臣
者比因步軍司奏辟吏職玉音宣諭屬官須用士
人兼言者方論創闕事遂不果行其他有可垂諭者
勿知餘冀保愛

金州田都統

世雄 淳熙十三年

某比復狀想無浮湛再勤惠問喜承台候萬福秦守
既交印必相與協心為边防永久之利幸甚幸甚折
佑事總領所報到方可施行脩閔增戍已得旨行
併幸孚炤禾由在晤切幾遵令養生以俟功名之會

鎮江張都統

詔

某特勤誨翰喜審消辰視印號令一新百頃來備沉
識精忠自結 上知今茲選擢正賴洗滌宿弊有可
垂諭者勿外為幸巢縣城壁恐復因循雖令李候疾
速相度庶畢其說尚未報也行捐囊以助用久無此風
矣顧君辟闕緣從者已離彼遂格而不下若欲其來
京口却示及公文也餘冀若時保嗇以需公明之會

又 淳熙十三年

某辱示翰喜承台候萬福示翰備知曲折聖主明如
日月自能洞照不必過慮巢城緣有民居民田恐議
者指為搔擾所以再降指揮幸速選官同黃漕審究
利害只俟回奏便有處分切冀垂亮秋暑萬萬保愛
別異需數

金州秦守

嵩

淳熙十三年

某辱惠翰喜承守邊暇裕坐膺多祉守閔隘人前後
州郡與都統司爭執不一要之仗責則同難頓改易
更望多方措置為經久之策深恐水旱頻併事力不
及已得 旨令總領應副三百餘人錢米一年既有
以恤之人必欣然或總所未暇科撥使州且逐急那
兑為佳不然或致流移悔無及也忽忽姑此布復餘
冀加愛

揚州鄭帥

興裔

淳熙十三年

某辱誨翰至感示諭修船緣虜主遷都淮民已多疑懼今若從使司行下則文移粉然必更傳播不免徑付諸郡使府其一也三萬緡上決不惜但賦數與張撫幹文字頗異同今既各郡為之若密委信實人料理亦自不難所費且與那兌候見多少申請支還未曉江湖打造不特所在料擾兼差人撐駕遠涉其費又當數倍矣教民兵事曾條具否望蚤理會仍須與解事人商量庶令適當問每次多成紛紛皆由區處無術耳遽其占報草草切幸恕亮

又

某竊以秋氣漸清共惟知府安撫都承填臨有裕台候萬福比具緘啟為賀想已呈達茲勤劄翰不勝感尉某縣城壁旦夕取旨惟濂與安豐不能禁戢踰淮盜馬之人甚至殺其主簿果爾將來必移文會問彼未嘗聞盜賊涉吾之境此却數數有之安得不問比已劄下望措與置施行高明處此固應綽有餘裕更幾順合保畜以對殊渥

鄂州閩都統

世雄

淳熙十一年

某近別不勝傾企即日想惟已抵治所履况集福荆

襄沔鄂邊面濶遠西自金均東盡光黃昨以王宣趙
樽各占地分不相為用遂合為一軍議者率謂共馬
數少緩急難於分布殊不思岳忠烈兵不滿六萬而
能往來襄內撫外禦威望隱然况今三處屯兵視者
固已加多若更招募不特財力有限亦恐未必精銳
如向來庚辰辛巳聚八方之衆於襄漢僅當劉萇之
帥畧無成功其利害可睹也比得郭帥書深以向來
自分彼為戒遇敵則竭力相應甚有右人之風左右
過武昌必已熟講雖敵有衆寡機有先後臨時應變
難以遲度然我之規模自應先定大要得志心則寡
可敵衆古今不易之理也守陽羅事及隨州增戍曾
熟議否既開幕府凡百宜一一條具奏聞却示副本
此外萬萬為國保重

又

某辱示翰喜承墨線臨戎体中安適高帥劉漕皆有
志事切凡百必能協心遠慮幸甚幸甚江陵城已依
來申且令都帥先住飛虎事見此商量買木亦施行
指揮內令安撫司津法者蓋緣帥司向來曾有文字
謂本軍利於興販今更委曲通書為佳激槁士倖使
之精銳最為急務冗兵雖多其實何所用也所薦三

人上皆令津遣赴審察矣餘冀保慶

又

某屢勤書翰至感趙晟傳汝楫輩到軍當已久成彥
節便往共戰否招軍事得趙總領報應募漸多更煩
留意王壞其來極遲馬司辟闕為人所先殺帥與之
厚必別與周旋也諸軍射鉄簾上欲激勸勇士若候
式樣却恐後時一面今閱習為佳城後正勞神用它
續奉狀

書稟卷第十二

